

寺觀
陵墓
金石一

湖南全省掌故備考
辰

金陵寺
石集觀

湖南金石考校補正

湖南全省掌故備考卷十五

寺觀

長沙府

書堂寺 長沙縣北書堂山唐歐陽詢及子通讀書此山寺即其書

堂故址中有詢遺像

智度寺 縣北智度山唐高僧慧覺居此

鐵佛寺 縣北唐法華禪師飛錫於此內有鐵佛三鐵柱塔一明成

化中重建

寶甯寺 縣西谷山唐建釋齊已谷山寺詩城裏尋常見碧稜水邊

朝暮送歸僧

海慧菴 縣驛步門外卽古蓮花寺唐張謂長沙失火後戲題蓮花寺詩金園寶刹半長沙燒劫旁延一萬家樓殿縱隨烟焰去火中何處出蓮花

開福寺 縣北湘春門外楚馬殷建其子希範作會春園嘉宴堂於此宋張栻集長沙開福蘭若故爲馬氏避暑之地所謂會春園者寺之西祓禊亭下臨湖光舉目平遠自爲此邦登覽勝處也

萬福禪林 縣驛步門內舊爲龍興寺宋建

嶽麓寺 善化縣西嶽麓山上晉太始中建卽古麓苑一名慧光寺明萬歷中又賜名萬壽寺寺有唐李邕所書碑羅隱戴叔倫杜荀鶴釋齊己及宋曾幾明李東陽有詩

道林寺

嶽麓山下道林坪有唐歐陽詢書碑宋圓悟禪師居此朱

張講學時從游者眾於寺側建精舍以居學者後歸於寺杜甫有
嶽麓山道林二寺行劉禹錫沈傳師韋蟾崔珏裴說釋齊已有詩
太乙寺 縣西南卽古上清宮舊寺本在德潤門內唐太乙眞君煉
丹於此與僧孤月闡性命之理元至元中遷今址明陞相太乙寺
詩野寺高臨太乙壇藥池龍井號眞官

妙高峰寺

縣南門卽宋張栻城南書院舊址

嵇祖觀

縣西朱嵇眞人修煉處元建

雲麓宮

嶽山上卽洞虛福地後有法華塔

雲蓋寺

縣西有虎溪蛇井仙人坐迹諸勝

水陸寺 縣西橘洲上有拱極樓爲八景之一明廖道南詩尋幽爲

訪雲邊寺乘興還臨河上洲萬里乾坤此江水三湘烟雨共誰舟

白鶴觀 湘陰縣東白鶴山唐大中三年建相傳爲晉陶澹故宅

龍潭寺 縣南新橋明王守仁寓此有詩

昇仙觀 瀏陽縣東唐孫思邈修道處

道吾寺 縣北唐僧宗智建

石霜寺 縣南霜華山唐僖宗時賜名崇勝殿高九丈餘佛七丈昔

普會禪師居此名堂曰枯木裴休詣之畱玉環象笏至今存焉宋

畢田詩石上泉華噴猛霜境奇因此闢禪房使君環笏畱何用枯

木千餘滿一堂

兜率寺

縣治前舊名蓮花寺五代晉建宋嘉定間易今名

靈巖寺

縣東明月山山有南北二巖深廣俱十丈許寺在南者名

前巖在北者名後巖佛舍僧寮皆緣巖架閣依實結檐極嵌空玲瓏之妙明薛瑄有詩

小瀉山寺

醴陵縣東小瀉山上唐大緣禪師立明羅汝芳詩世外

誰開古洞天大緣祖室更千年

靖興寺

縣西相傳爲唐李靖駐兵處故名王守仁謫龍場時過其

地講學於此有詩

崇林寺

縣西南唐建亦王守仁謫學地守仁有詩

登真觀

縣東舊名玉仙觀唐開元時賜御書於觀內宋太宗又書

飛白字賜之歐陽修有御書閣記

金華觀

縣東唐建明鄒守益有詩

唐興寺

湘潭縣西翔公山舊名石塔寺一名石頭寺唐僧智儼開

講於此有石塔在寺側因以爲名後褚遂良都督潭州易爲唐興

寺劉禹錫有唐興寺智儼大師石塔銘

龍安寺

縣東唐初宗元有龍安海禪師碑

三角寺

縣東唐總印禪師所開明郭金臺記云潭之古寺草衣龍

王仙林鳳凰爲四大寺而其著於祖燈者又三角爲最焉

方廣寺

在縣南每四月朔日在東壁則見維揚官府樓堞居民宇

舍隱隱可數見酉陽雜俎

慈雲寺

縣西龍王巖下宋胡寅有龍王山慈雲寺佛殿記

五龍山寺

縣境明僧慧菴建有古桂二王額

藥師院

縣境宋建歐陽修有藥師院佛殿記

懺心寺

縣西明李騰芳建附郭諸刹無壯於此者

密印寺

甯鄉縣西大瀉山上唐元和中裴休奏建賜額爲靈祐禪

師卓錫之所

香山寺

縣治西宋淳祐間建香山鐘韻十景之一

白雲寺

縣南唐建宋謝英讀書於此

同慶寺

縣西大瀉山唐觀察使裴休延僧大中住持連帥李景謨

奏額同慶

白雞觀 縣西元至正中有白雞飛止其地故名

龍牙寺 益陽縣西唐元和中僧圓和建初名延祥寺宋時有龍化

白鬚翁聽講臨去畱獻佛牙因賜今額

白鹿寺 縣南唐元和中裴休談禪於此休有白鹿寺釋迦瑞相詩

慈雲寺 甯鄉縣治南唐天寶中建宋釋惠洪詩慈雲寺在古雲隈

月閣風軒照水開

仙林觀 縣治西北唐恒氏二女於此采藥飛昇因建

歸雲寺 縣西寶陀巖宋建林石清奇有壺天八景

梅龍寺 縣西北宋政和間建有龍潭瀑布之勝

麻鞋寺 縣二十二都寺前池中巨石有人履跡及二龍痕明賀

表有詩

證果寺 後縣治南梁天監中建

陽昇觀 縣東舊名朱陽觀祀南齊司空張岳初自唐天寶間宋政

和間重建易今名程元佐有記明王偉有同杜侯遊陽昇觀詩

昭賢觀 縣東唐開元間道士黃均得建

菩提寺 縣東清陽鄉司空真人建

嚴甯寺 安化縣東南宋熙甯間上下梅山各建佛寺以熙甯字分

名新化建承熙寺安化建此

崇福寺 縣北宋熙甯中建歷有名僧居之

洞天觀 縣東靈龜洞有瀑布泉仙人橋

青霞觀

案陵州西南蕭梁時饒道亨仙去卽其宅爲道館曰洞真

觀宋初香火日盛改賜曰青霞元延祐中又敕賜名青霞萬壽宮

虞集有記

雲陽寺

州西唐咸通初建明洪武中重修劉應峰有記

定林寺

州南宋建明張治有詩

長生觀

州東宋岳飛討曹成州人尹彥德以牛酒犒軍飛請於朝

遣國子生教習其子弟淳熙初建明經書院今改爲觀

旌忠寺

州西宋岳飛追曹成至此成就俘封戰歿者之墓於西郊

奏建祠祀之額曰旌忠寺後燬於兵宏治癸亥王君錫始圖復之

奉忠武主祀焉正德間張治讀書其中至之夕夢雲覆其宅是歲

治舉於鄉僉以爲兆因改是曰青雲菴治有記

衡州府

伊山寺

衡陽縣西晉桓伊讀書於此

古塔寺

縣雍和坊梁天監初海尊者建以寺有浮圖故名明劉穩

有飲餞古塔寺詩

法輪寺

縣北岫巉峰下舊爲靈龍寺隋大業中賜今名宋折彥質

有詩

西湖寺

縣西宋宣和中建紹熙中敕賜西湖禪寺

太平興國寺

清泉縣南梁海尊者道場唐建能仁寺宋改今名相

傳守後爲龐蘊宅左有靈照井

雁峰寺 縣南舊名乘雲寺唐天寶初建無量壽佛道場前有望嶽

亭亭東有樓曰望雁東俯湘流可供吟眺明江制有詩

崇勝寺 縣南寺有已公亭唐杜甫有訪已公詩

花光寺 縣南蜀僧花光居此善畫梅作暗春疎影溪雪春風四圖

黃山谷觀之曰如嫩寒曉春行孤山水邊籬落間但欠聞香耳

開福寺 縣東江岸舊爲宋丞相趙汝愚祠明初改爲寺

南嶽觀 衡山縣視融峰南晉太康八年建梁天監二年修武帝賜

莊田三百戶唐貞觀二年太宗重書觀額觀中碑文隋學士曹憲

撰今存宋張茂宗有詩

洞雲宮 縣紫蓋峰下晉建爲二十五洞靈福地

太平觀

嶽廟西齊禋伯王隱居處齊高祖敕建此觀是之

衡嶽寺

紫雲峰下梁天監中建本名善果寺陳改曰大明隋大業改爲衡嶽寺

方廣寺

蓮花峰下梁天監中建唐李白宋張栻有詩

九真觀

嶽廟東卽壽甯觀故址晉建梁元帝南嶽九真觀碑云風

牖雲梁千門萬戶樓施九柱已同瀨鄉之地山帶五城復類元洲之所

景德寺

雲密

前臨禹

溪西有大禹巖相傳禹傳玉文處梁天監

中建宋陸沈有詩

南臺寺

嶽廟西梁天監

中建宋張栻詩相望幾蘭若勝處是南臺

福巖寺

祝融峰前即古般若寺舊有唐太宗御書梵經五十卷今

無存

上封寺

祝融峰上舊爲光天觀隋大業中易爲寺寺門外寒松皆

拳曲藤纏膠地下垂水

雪凝緩如蒼龍白鳳然爲第二十二天壇

福地唐釋齊己宋胡宏

盧肇劉摯張祇明伍讓劉堯誨羅洪先有

詩

勝業寺

縣嶽廟東南南

嶽總勝集云勝業寺古聖容寺也或云禹

建清冷宮以祀舜唐武

宗廢馬氏改爲報國寺宋爲神霄宮後復

爲寺賜額勝業折彥質

黃庭堅有詩

橫龍寺

祝融峰後唐貞

元初僧如滿建白槃天詩問師寶額圓何

立笑指橫溪有臥龍

黃庭觀 天柱峰下唐建爲魏元君修道處後馬氏重修並名魏閣
宋景祐中賜名紫虛元君之閣政和五年改賜今名明余天溥伍
讓有詩

清涼寺 縣治北寺當孔道輜軒停憩行脚往來一大蘭若也唐楊
巨源詩一聲寒磬空山曉花雨知從第幾天

興率寺 彌勒峰下唐寺宙建宋名淨福下枕湘濱上有宙書
斐說有詩

雲峰寺 祝融峰左舊名功德寺宋趙葵建有石龕石龕尙存

銓德觀 紫霄峰頂宋會茂有題南嶽銓德觀秋聲軒詩